

# **Yaa Sanu N Caa U Tienu Po**



©2011 World Missionary Press, Inc. Cover art, Edwin B. Wallace. Meryl Esenwein,  
art above and on pages 10, 12, 14, 16, 27, 29, 39, 41, 42, 44, 46, 47, and 48.

Scripture text reprinted by permission of the United Bible Societies Regional Centre, Nairobi, Kenya.

# U TIENU DEN TAGI ɻANDUNA LENI YAALA N YE LIENNI KULI

Hali mi cicilima U Tieu den tagi tanpoli leni ki tinga.

—Mi cilima 1.1

U Tieu den teni ke wani n tagi li bonla kuli, lani n tie yaala n ye tanpoli po leni yaala n ye ki tinga nni kuli....

—Kolosa 1.16

Li Miali Diedo n yaa seligidi yi, Wani yua n den tagi tanpoli leni tinga. I tanpokaani tie Li Miali Diedo yaa tanpokaani yo, Ama o puni bi nisaaliba ki tinga.

—Pisoma 115.15, 16

U Tieu n den tagi ɻanduna ki kuani bi nisaaliba lienni yaa yogunu, li ɻandunli kuli den ɻani cain. A yaa cogi yaa tili n tie na a baa bandi yaala n den tieni.



Lanwani U Tienu den yedi, «tin tagi o nilo ti yaa nannanli, nani tinba n tie maama, wan diedi... ki tinga nni kuli....»

— Mi cilima 1.26

## O NILO DEN TUA MIAFUODILI

3

**Li Miali Diedo den taa ki tinga tama ki tagi o nilo.** O den fuo o miani nni li miali yaa fuoma ke o joa den tua yaa bonla n fo\*. —Mi cilima 2.7

**Li Miali Diedo den yedi,** «laa ñani ke o nilo n yaa ye o bebe. N baa tagi opo yaa todika n baa yaa naani leni o. Lanwani Li Miali Diedo U Tienu den teni ke mi guacianma cuo o nilo, ke o guani. O den ñani o kalu kpaba siiga nni yenli ki teni ke ti gbanandi go guani ti kaanu ki ñanbi. Li Miali Diedo den taa o kalu kpbili, wan den ñani yaali o nilo kani, ki tagi o pua ki gedini o o nilo kani.» —Mi cilima 2.18, 21, 22

\*Yua n pia laa miali pia yaa naano n kan kpe halabada.

# ADAMA LENI AWA DEN MIIDI U TIENU ÑOABONLI



Tin da cengi Sutaani nialu

Li Miali Diedo U Tieu den taa o nilo ki kuani o 5  
Edena koaŋamu nni ke wan yaa ko ki go guu gu. Li  
Miali Diedo U Tieu den bili o nilo po yanñoabonli n tie  
na ki yedi, «A baa fidi ki je o koaŋamu yaa tiidi bonluon-  
kaala kuli. Ama ŋan daa je mi ŋanma leni mi biadima  
yaa bandima tibu yaa bonluonkaala kelima a yaa dini  
yaa daali a baa kpe.»

—Mi cilima 2.15-17

O WA, BAN GO YI YUA SUTAANI, DEN PUA MI FAAMA,  
KI TENI KE BI YIE U TIENU MAAMA.

«O wa den yedi o pua, Yi kan kpe ba ... O pua den laa  
ke bu tibu bonluonkaali ŋani li bonjekaali po ki go ŋani  
o nunbu po ki tie yaa bonbuadila n ba teni o nilo n baa  
mi yanfuoma. O den cie bu bonluonkaala ki dini ki go  
puni o calo ... ke o mo dini.»

—Mi cilima 3.4, 6

## 6 ADAMA LENI AWA KAN GO DEN FIDI KI YAA YE U KOANJAMU YENI NIINNI



Li Miali Diedo U Tienu den deli Adama Edena o koanjāmu nni ke wan yaa ko ki tinga wan den ñani naankani... O den sieni selubanba ke bi fuundi yaa jugisiemu n pia mi fantama Edena o kuanjāmu puoli ke ban ya guu li miali tibu yaa sanu.

—Mi cilima 3.23, 24

# ADAMA LENI AWA N DEN YIE U TIENU 7 YAA DAALI DEN TIE PABIIDILI DAALI BI NISAALIBA KULI PO



Ti tuonbiadi den kua ɳanduna nni kelima niyendo yapo, ti tuonbiadi yeni mo den teni ke mi kuuma kua. Li tie yeni ke mi kuuma den puodi bi nisaaliba kuli.... —Loma 5.12

## ØAN BAA YAA TIANI YAALA !

Ban mali yua kuli, o mali ki pia ti tuonbiadi yaa yantiali, ki **baa** ti kpe kelima ti tuonbiadi yaa panpaani yaa po. (Øan go cogi Loma 5.12.)

## **8 UTIENU JAGILI O NISAALO TINDIMA PO, TUONBIADI PO TIE KE WAN SOANI O BIJAYENGA**



Li den tie tilade U Tienu Bijua  
n tua canpandiga ki nan fidi  
ki tua nisaalo.

**«O baa maa bonjaga,  
ŋan yini o Jesu, kelima  
wani n baa faabi o niba  
leni bi tuonbiadi.»**

—Matiyu 1.21

**Kelima U Tienu yedagidikaama kuli ye Kilisiti nni.**

—Kolosa 2.9

# JESU TIE U TIENU, KI NAN GO TIE O NISAALO

9

«Hali mi cilima yua n yi mi Maama den ye. Wani mi Maama den taa ki ye leni U Tienu. Mi Maama yeni den tie U Tienu. .... Mi Maama yeni den tua nisaalo, ki ye ti siiga ....»

—Jan 1.1,14

Lankuli den tieni ke O Diedo n den tuodi ki waani o nisoaginka wan soagini yaa maama n tieni. Mani n tie na: «Diidi, yaa jafaano n daa taani leni joa baa punbi ki maa bonjaga. Bi baa yini o Emanueeweli» Laa yeli bundima tie «Utienye leniti.»

—Matiyu 1.22, 23

... Bi mali tipo ki bonjaga ki puni ti bijua. O baa bugi li bali o buacaba po. Bi baa yini o yeli Mi banmi-daano leni i tundi-daano, Leni U Tienu u paaciamui-kuli daano, Leni bi Baa yua n ye hali yaa yogunu kuli, Leni Mi yanduanma bado.

—Esayi 9.5

# JESU TIE YAA PADILI N DAGIDI TI PO CAIN

**Wani... yua n naa den tieni ti tuonbiadi....**

—2 Kolinta 5.21



**«Wani, yua n ki den tieni tuonbiadi  
baa kuli....»**

—1 Pieli 2.22

Laa pia yaa padili ke o nisaalo baa fidi  
ki padi li lin DAGIDI U Tieu po, ki fidi  
ki ñani o tuonbiadi.

**... Kelima a naatona leni a ñoatona  
soama kan fidi ki ñani ti tuonbiadi.**

—Hebilu 10.4

Jesu tie U Tieu n ñani yaa pebiga.

**«Diidi mani U Tieu n ñani yaa pebiga, yua n tugi ki ñandi  
ñanduna tuonbiadi.»**

—Jan 1.29

## JESU DEN PUNI O MIALI TI YAA TINDIMA PO 11

Bi nibiadiba den nani Jesu ki den kpaa ki tabini o li dapoampoanli po ki kpa o. Ama o kuuma den tie U Tienu n den jagi ki bili yaala. Jesu wani oba den puni o miali tipo ke tin faabi leni ti tuonbiadi.

**Jesu den yedi, «Oba kuli kan fie (n miali), n puuni li n yama po. N pia u paalu ki puuni li, ki go pia u paalu ki baa gaa li....»**

—Jan 10.18

## TI BAA MI FAABIMA KELIMA U TIENU PEBIGA YAA SOAMA PO

... U Tienu ki den taa yaa bonla n baa fidi ki bodi nani ñanjiliba leni wula yeni ka, ki da ki faabi yi... O den da ki faabi yi leni Kilisti n den kpe ki wuli yaa soama... ki tie nani ban padi yaa pebiga n ki pia cagindi ba leni joagindi ba kuli....

—1 Piel 1.18, 19

## PADITOALI KI YE YAALA N BAA FIDI KI ÑANI TI TUONBIADI

... Kilisiti den puni o gbannandi ki tua li padili ki kpe ti po yen-ma ke li dagidi yogunu kuli po, ki teni ke U Tienu ñanbi ti ki gagidi ti o yuli po.

—Hebili 10.10

**12** Tin baa ke U Tienu teni ke ti tiegi kaa go pia tagili kelima Kilisti den kpe ke o soama wuli yeni, laa pia kuli tama ke ti baa faabi leni U Tienu pa-bienli cuonu kelima wani Kilisiti yaa po. —Loma 5.9

«O Diedo, ñan tiadi n po a  
yaa ti guani a diema nni.»

Laa sugido  
den daani  
Jesu ki  
baa mi  
tindima.



Jesu den yedi  
o, «N waani a  
moamoani,  
dinla ligia a  
baa ye leni  
nni U Tienu  
denpo. »  
—Luka 23.43



Laa sugido  
ki den daani  
Jesu. Waa  
baa mi  
faabima.

... Tin daa den tie ti tuonbiadi danba [ki yie U Tienu] yaa  
yogunu, Kilisiti den kpe ti po. —Loma 5.8

# **YUA N DUGI JESU, U TIENU BIJUA PO      13**

## **KULI PIA YAA MIALI N KAN GBENI**

**«U Tienu den bua ñanduna yaaba bonjanla  
hali ke o den puni o Biyenjoa, ke yua  
n daani o kuli wan daa bodi, ama  
wan pia yaa miali n kan gbeni.»**

—Jan 3.16

**O faabi ti ki ñani ti li biigili paaciamu nni ki teni ke  
ti tie o Bibuadiga n die yaaba siiga yaa-ba. Ti baa mi  
faabima\* kelima wani U Tienu Bijua po, lani n tie ke  
o puni ti ti tuonbiadi sugili.**                            —Kolosa 1.13, 14

\*Laa faabima bua ki yedi ke bi guani ki daa ti ki nan faabi ti.



Maleeki yeni den yedi bi puoba: «Yin da jie mani, n bani ke yi lingi Jesu yo ban den kpaa ki tabini yua li dapoanpoanli po ki ku o. Waa go ye ne, kelia U tienu fiini o bi tinkpiba siiga nani wani Jesu n den yedi maama. Cua mani ki ban le wan den dua naankani.»

—Matiyu 28.5, 6

# JESU DEN FII BI TINKPIIBA SIIGA

15

« ...N den kpe ama diidi ki le, n go fo ki baa ye hali yaa yogunu kuli. N kubi mi kuuma leni bi tinkpiba kaanu sendabila.»

—Mi Doagidima 1.18

«... Kelima n fo ki ye, yi mo ban fo ki ye.» —Jan 14.19

Jesu den paadi mi kuuma ki kubi mi kuuma kaanu yaa sendabila ke tin da go jie mi kuuma.

**N yaa ye leni ti jawaandi yaa yogunu, n wuoni n yuli a yaa kani.**

—Pisoma 56.4

(Diidi TN 46 U Tienu yaa ñuaniani po.)

## JESU FIDI KI FAABI A, O JAANDI A PO MO

Ama Jesu n ye ki fo hali yaa yogunu kuli yeni... Lan yaa po moko ke Jesu fidi ki faabidi cain wan tie yaaba yaa candanbaa-lo ki kpendini baa U Tienu kani, kelima o ye ki fo yogunu kuli ki miadi U Tienu bipo.

—Hebilu 7.24, 25

# 16 FINI LENI MINI BAA FIDI KI BAA YAA MIALI N KAN GBENI



**FINI, a ɻoa u laa sanu?**

Jesu Kilisiti tie YAA MIALI N  
KAN GBENI YAA SANU.

Sutaani tie MI KUUMA yaa  
SANU.

Yaa bonjaga n ye ne gandi yaa gandima n tiegi yaa miali n kan gbeni po.

**«... Yin gandi mani dinla yin bua ki yaa ɳoa  
yua . . . . »** —Josue 24.15

**«... Yin gandi mani li miali ke yin yaa ye ki fo, yinba  
leni yi yaa yabilia kuli.»** —Mi Tiadima 30.19

## **JESU TIE YAA MIALI N KAN GBENI SANU**

**«Ti kan baa mi faabima nitoa kuli kani. U Tienu ki  
puni bi nisaaliba yetoali ɳanduna nni tin baa faabi  
yaali yaa po tiladi, kali Jesu.»** —JTT 4.12

**«Se, min de, mini n tie Li Miali Diedo, Min yaa ka,  
jaakoanditoa ki ye.»** —Esayi 43.11

# 18 BE YAA PO YO KE TI BAA GANDI JESU TI YAA BUA YAA MIALI N KAN GBENI

## 1. Kelima Kilisiti n den cua.



Jesu den yedi... «Mini n cua ke ban  
baa li miamoanli ke li dua.»

—Jan 10.10

## 2. Kelima Jesu den bua ti ki kpe ti po.

«U Tienu Bijua,... den bua nni ki  
puni o yuli ki kpe n po.»

—Galati 2.20

Jesu den tua nisaalo ki pia ti gbannan-  
di leni mi soama nani tinba. **Ke o kuu-**

ma n bolini ku tuotabigu yudaano Sutaani yua n 19  
pia mi kuuma paalu, ki baa faabi mi kuuma ja-  
waandi n kubi yaaba ti yonbidi nni hali bi miana dana  
kuli.

—Ebilu 2.14, 15

**3. Jesu soama bebe n baa fidi ki faabi ti leni ti tuonbiadi.**

«Kelima li tie li miali yaa po yo ke mi soama puni ti  
tuonbiadi sugili.»

—Levite 17.11

...O Bijua Jesu n den kpe ki wuli yaa soama mo  
ñuudi ti pala ki ñandi ti po ti tuonbiadi kuli cain.

—1 Jan 1.7

Ti baa mi faabima kelima wani U Tienu Bijua po, lani  
n tie ke o puni ti ti tuonbiadi sugili.

—Kolosa 1.14



#### *4. Kilisiti den fii bi tinkpiiba siiga.*

Ti bani ke U Tienu n den fiini  
Kilisiti bi tinkpiba siiga yeni, o  
kan go kpe, mi kuuma kan go  
yaa die o. —Loma 6.9

O den kpe bikuli po mo, ke  
yaaba n fo n daa go ye bi yucela po ka, kali wani  
yua n den kpe ki go fii bi po yaa po.

—2 Kolinta 5.15

Jesu den yedi, «... Kelima n fo ki ye, yi mo baa fo  
ki ye.» —Jan 14.19

*5. Se tin yaa pia U Tienu Fuoma Yua yaa miali ti niinni, 21  
ki nan fidi ki baa yaa miali n kan gbeni.*

... Kilisiti tuugi leni yi ki ye yi niinni, ki teni ke yi sugi-  
ni ke yi baa taa leni o o kpiagidi nni. —Kolosa 1.27

U Tienu yua n den fiini Jesu bi tinkpiba siiga yaa  
Fuoma Yua, yua n ye yi pala nni, wani U Tienu yua n den  
fiini Jesu Kilisiti bi tinkpiba siiga yeni go baa pa yi yaa  
gbanandi, yaadi n baa kpe, li miamoanli, kelima o  
Fuoma Yua, yua n ye yi pala nni yaa po. —Loma 8.11

**NAN DIIDI BONNANLA KI LE LI YAA TIE KE U TIENU  
FUOMA YUA YE A NII NNI.**

... Yua n kaa pia Kilisiti Fuoma Yua, waa tie Kilisiti yua.  
—Loma 8.9

## ηAN BAA FIDI KI BAA YAA MIALI N KAN GBENI MAAMA

ηan ηoadi  
yaa sanbili n  
cili tinunga 24  
kani



Ki bonwaga bontien-  
kaala nni n ba doagidi  
o tagu n tie maama.

—Mi Kpanjama 20.11

«N bani ke Jesu bua nni, o maama waani nni.»

Ama Jesu den teni ke bi cuani baa ki yedi: «Cedi mani a biwaala n cua n kani ki daa deli baa, kelima U Tienu n die yaaba n tie nani a biwaala yene.» —Luka 18.16

«Li tie yeni leni yi Ba yua n ye tanpoli, waa bua ke a bonwaala naa siiga baa yendo n yaadi (ki bodi hali halaba).» —Matiyu 18.14

Laa ñoa ñan tie yua bi ñan ye naani, Jesu bua ña ki den kpe fini yapo. Jesu bua ke fini mo n bua o. A baa fidi ki waani o a buama a yaa tuo ki tieni wan yedi yaala.

«Yi yaa bua nni moamoani, yi baa kubi n ñoabonbi-likana.» —Jan 14.15

# NAN BAA BANDI YAA SANU N CA U TIENU PO MAAMA

*1. Nan tuo ke a tie tuonbiadi daano, ke a yie U Tienu maama.*

Mi gagidima ki ye bi niba siiga, kelima bikuli tieni ti tuonbiadi ki poadi, baa pundi U Tienu kpiagidi. —Loma 3.23

*2. Nan tagini Jesu kani ki cua U Tienu kani.*

Kelima U Tienu ye ki tie yendo bebe, o Candaano moko ye ki tie yendo bebe, U Tienu leni bi niba siiga, wani n tie o nisaalo Jesu Kilisiti. —1Timote 2.5

«Lan yaa po moko ke Jesu fidi ki faabidi cain wan tie yaaba yaa candanbaalo ki kpendi nni baa U Tienu kani, kelima o ye ki fo yogunu kuli ki miadi U Tienu bi po.» —Ebilu 7.25

Jesu den yedi, «N Baa U Tienu n puni nni yaaba kuli baa cua n kani. N kan deli yua n cua n kani kuli.» —Jan 6.37

*3. Nan biidi a pali a tuonbiadi po ki lebidi a yama ki ḥa ti.*

«Lan yaa po yin biidi mani yi pala yi tuonbiadi po ki lebidi yi yama ki ḥa ti tuonbiadi ke U Tienu n ḥuudi ki ḥan-ni yi tuonbiadi.» — JTT 3.19

O Diedo... pia yi po li juunle, kelima waa bua baa niyendo n bodi, o bua bi niba kuli n cua ki biidi bi pala bi tuonbiadi po ki lebidi bi yama ki ḥa ti. —2 Piel 3.9

*4. Nan doagidi a tuonbiadi Jesu nintuali.*



«Ti yaa tuo ki  
doa-gidi tin tieni  
yaa tu-onbiadi. O  
tie tin fidi ki dugi  
yua po ki go tiegi  
mo, o baa pa ti  
sugili tin tieni yaa  
tuonbiadi po....»

—1 Jan 1:9

**26** Nan diani 1 Jan 1.9 yaa fuudi n ye tiipo po. A baa le laa  
verse page 25 kani ke li diani i jaandi i nii po.

---

---

---

---


**5. Nan ḥa a tuonbiadi.**

**Yua n wuoni o tuonbiadi, o yema kan ya mani opo,  
Ama yua n tuo ki ḥa o tuonbiadi baa baa mi ninñima.**

—Mi Kpanjama 28:13

**Cedi ki ḥa mi biadima ki ya tiendi yaala n ḥani.**

—Pisoma 37.27



**U Tienu ḡanbili yaa po ke  
o faabi yi kelima ti dugidi  
Kilisiti po yaa po. Laa ḡoa  
yi tuonjama ka, lanwani  
oba kuli kan kpiagi o yuli li  
po.**

—Efesa 2.8, 9

**6. Ḣan daani Jesu ki  
dugi o po.**

A yaa tuo o leni a ñoabu bi  
niba nintuali ke Jesu tie o  
Diedo, ki dugi U Tienu po a  
pali nni ke o den fiini Jesu  
bi tinkpiba siiga, a baa faa-  
bi.

—Loma 10.9

«... Ḣan tuo ki ḡoadi O Die-  
do Jesu ki dugi o po, U Tie-  
nu baa faabi a, fini leni a  
deni yaaba kuli.»

—JTT 16.31

## 28 7. Nan tuo ke Jesu Kilisiti n kua a pali nni leni a miali nni kuli.

Fini bebe n baa fidi ki luodi a pali bu ñoabu Jesu n kua lienni.



Jesu den yedi, «Diidi, n se bu bu-liñoabu kani ki tua: «Gafala.» O ni-lo yaa gbadi n nialu ki luodi n po bu buliñoabu kuli, n baa kua o de-ni ki je leni o, o mo baa je leni nni.» —Mi Doagidima 3.20

Ama yaaba n den tuo ki ñoadi o wani kuli, o den dini baa li bali ke bi tua U Tienu bila, bani yaaba n tuo ki ñoadi o ki dugi o po kuli.

—Jan 1.12

Li yaa tie ke a daa bi kpa jaandi U Tienu, ke a bua todima i jaandi po, yaa maama n ye tiipo baa gobidi a i jaandi nni.

**N Diedo Jesu,**

N tuondi a, kelima a den bua nni ki den tuo ki kpe li dapoanpoanli po ke min fidi ki baa n tuonbiadi sugili. N biidi n pali kelima min tieni yaa bia-dima kuli po. N mia ɳa ɳan kua n pa-li nni ki yaa ye n nii nni yogunu kuli. N dugi apo moala ki daani ke a baa ɳuudi n pali. N tuo ke ɳan tua n Can-daano leni n Diedo.

**Jesu Kilisiti yaa yeli nni, Amina**



**30 JESU YAA YE A PALI NNI, A PIA YAA  
MIALI N KAN GBENI**

**... U Tienu puni ti yaa miali n kan gbeni, laa miamoanli ye  
o Bijua niinni. Yua n pia U Tienu Bijua pia li miamoanli....**

1 Jan 5.11, 12

**« ... Yua n cengi n maama, ki dugi yua n soani nni po, pia  
yaa miali n kan gbeni... o ñani mi kuuma nni ki kua li  
miamoanli nni.»**

—Jan 5.24

A gbannandi yaa kpe, a naano baa gedi ki yaa ye leni ti Diedo.  
(2 Kolinta 5:8). ... Kilisiti tuugi leni yi ki ye yi nii nni, ki teni  
ke yi sugini ke yi baa taa leni o o kpiagidi nni. (Kolosa 1.27).

Li yaa tie ke a mia Jesu wan pa ña a tuonbiadi sugili ki dugi o po,  
ki tuo ke ti Diedo Jesu Kilisiti tua a Candaano, ñan diani a yeli tiipo:



ηan cogi U Tienu tili daali kuli ki kubi o maama a pali nni. ηan bangi yaa versinba n pia a po todima hali ηan baa fidi ki togidi ba. (Laa verse buolu boncianla ye li naa tili nni.)

**U Tienu den suo ki kuani o maa-  
ma yaaba n diani mikuli yaa nii  
nni ke bi diani ma. Mi pia mi suo-  
ma ki baa bangi U Tienu sanjoa-  
dima, ki fuu leni mi bangifaama,  
ki tundi yaaba n yaadi, ki go ban-  
gi bi niba ban baa ηoa U Tienu  
sanu maama ke li tiegi.**

# ŊAN MAADI LENI JESU I JAANDI NNI LAN TIE YAA YOGUNU KULI



**Tuondi Jesu** wan tieni apo yaa bonpanla kuli po. Kpiagi o, kelima wan tieni yaala ke ŋan ga mi tindima. **Ŋan mia o**, ŋan bua yaala kuli po. Jaandi Jesu yaa yeli nni.

... Ti bani ke tin mia o yaala ke li tie o yanbuama bonla kuli, o cengi ti po. —1Jan 5.14

«... Yin baa mia ti Baa U Tienu yaala kuli, o baa paa yi laa kelima n yeli po.»

—Jan 16.23

... Yin... go yaa miadi U Tienu yi yaba po....

—Jaka 5.16

«... Yaa miadi U Tienu yaaba n faligidi yi po.»

—Matiyu 5.44

# JESU N BANGI O ΗΟΑΔΙΚΑΑΒΑ YAA JAANDI

33

Jesu den bangi o ηοαδικααβα nante:

«Ti Baa yua n ye tanpoli, bi niba n fangi a yeli yaali n gagidi, ηan baa die baa yaa yogunu n pundi, a yanjaga n tieni ki tinga nni nani ηan tiendi maama tanpoli po yeni. Paa ti daali kuli yaa jiema yaami n baa dagidi ti. Tieni tipo sugili ti tudima po, nani ti moko n tieni sugili yaaba n tudi tipo maama yeni. Da kuani ti mi tulinma nni. Gaa ti o biado kani. Kelima fini n die li bali, leni u paaciamu leni ti kpiagidi hali yaa yogunu kuli. Amina.»

—Matiyu 6.9-13

ηan bangi laa maama hali ki fidi ki togidi ma. Jesu yaaba boncianla yen yabi ki taagi ki jaandi laa jaandi ki kpaani.

## 34 U TIENU BALI MAAMA PIIGA WAANI TI, TIN BAA YAA YE MAAMA

(Mi Ñama Diani 20)

*Mi manaadikpiama... waani ti tin baa bua U Tienu maama*

1. «Ñan da pia npo tientoa.»
2. «Ñan da kpiedi bonliba kuli yaa nannanli, ki da gbaani ki labini bi nintuali.»
3. «Ñan daa taa U Tienu yeli famfanma.»
4. «Ñan tiadi U Tienu fuodima daali ki gagidi li.»

*Mi maluobidijuodikaama... waani ti tin baa bua ti lieba maama.*

5. «Nan kpiagi a baa leni a naa.»
6. «Nan da kpa o nilo.»
7. «Nan da conbi.»
8. «Nan da su.»
9. «Nan da tieni mi siedi-faama.»
10. «Nan da pia li nunponbiadili.»

**TI YAA TUO U TIENU N YEDI TI YAALA O BAA CENGI TI.**

Tin miadi o yaala kuli, ti baadi laa o kani kelima ti kubi  
o mabilikaama ki tiendi yaala n mani opo. —1Jan 3.22

*Mi buama U Tieu po*

1. Jesu den goa ki yedi o: «Nan yaa bua O Diedo a Tieu leni a pali kuli, leni a miali kuli leni a yantiali kuli. U Tieu bali maama nni mine n cie ki tie li mayuli.»

—Matiyu 22.37, 38

*Mi buama a nisaaliba po*

2. «Yaama n noa ma mo ki naani leni ma tie mine: nan yaa bua a yieninlielo nani nan bua a yuli maama yeni.»

—Matiyu 22.39

Li bali maama piiga kuli (tinunmu 34 leni 35) tuugi leni li bali maama majaleda.



# MI BUAMA TIE YAALA N PIA MAYULI      37

## KI CIE LIKUKULI

Yaa Dianu n maadi mi buama ki cie tie

(I Kolinta diani 13)

<sup>1</sup>A yaa bi maadi bi nisaaliba mabuoli leni maleekinba yaa mabuoli kuli, ki naa pia mi buama, n baa tie nani ban pua yaa kudi leni ban pua yaa longa ki tiendi ku fuugu bebe.

<sup>2</sup>N yaa bi baa ke U Tienu puni nni ke n wang o maama, ki go bandi o bondoaginkaala kuli, ki pia mi banma kuli, ki go pia yaa dugidi n baa teni a joaciam a n fii ki fuadi, ki naa pia mi buama, li kan todi nni liba. <sup>3</sup>N yaa bi boagidi n piama kuli ki puni a luoda, baa n yaa baa tuo ban taa n gbanandi ki juu mi fantama, n yaa pia mi buama, li kan todi nni liba. <sup>4</sup>Mi buama pia li juunli ki go ḷanbidi. Mi buama ki pia nunponli. Maa kpiagidi mi yuli, maa gbengidi mi yuli

**38** mo.<sup>5</sup>Maa pia kafaama, maa lingi yaala n ɿani mi yuli po  
bebe, maa fiindi mi pali tontoni, maa tiadi ki coadi ban  
bia mi po maama.<sup>6</sup>Yaala n bia yaa tieni, maa mangidi mi pali  
li po, ama mi mangidi mi pali leni i moamoani yaa tienma  
po.<sup>7</sup>Mi buama tiendi sugili li bonla kuli po. Yogunu kuli, lan  
tie yaala kuli, mi ye leni ti dugidi leni mi suginma leni li juun-  
li.<sup>8</sup>Mi buama ki pia gbenma. U Tieu maama wangima baa  
pendi, mi malanma baa gbeni, mi banma moko baa pendi.  
<sup>13</sup>Moala bonli taa ye ki kan pendi, lan n tie ti dugidi, leni mi  
suginma, leni mi buama, li kuli siiga yaala n cie tie mi  
buama.

—1 Kolinta 13.1-8; 13

## U TIENU TIE MI BUAMA

... U Tieu tie mi buama. Yua n ye mi buama nni ye U Tieu  
nni nni, U Tieu mo ye o nii nni.

—1 Jan 4.16

# JESU BUA addCriterion SIEDI NITOABA PO

39



(a diegu nni, li cogidieli po, li jaandieli nni, i kaani kuli addCriterion Jesu po siedi)

**Jesu den yedi: «Kuni a den-  
po a niba po, ki baan waa-  
ni baa O Diedo n tieni a po  
yaala kuli leni wan gbadi a  
po yaa ninñima.»**

—Maka 5.19

# ŋAN BAA BANDI MAAMA YUA N TIE U TIENU BIGA

«Li tie bi bonluonkaala po yo ke yi baa bandi...ba.»

—Matiyu 7.20

UTienu Fuoma Yua bonluonkaala tie mi buama, li pamanli, mi yanduanma, li juunli, mi ninñigbadima, mi ŋanma, ki yaa tiendi U Tienu leni o nisaalilieba kuli yaala n pundi, li paddingili, li yukubili.

—Galati 5.22, 23

«Yi yaa puni yaa niba n tudi yi po sugili, yi Baa yua n ye tanpoli mo baa pa yi sugili.»

—Matiyu 6.14

## BONLILELE U TIENU N NANI YAALA

Mi japanualima, leni yaa lanbu n pia mi faama, leni yaa nii n ku yaaba n kaa pia tagili ki wuliti bi soama, leni yaa pali n lagi mi biadima, leni yaa taana n tiini ki ca mi biadima tiemma po, leni o siedifaadaano, yua n pua mi faama, leni yua n tiendi ki kuliga bi kpiiba leni bi yaaba siiga.

—Mi Kpanjama 6.17-19

U Tienu Fuoma

Yua yaa

bonluonkaala



buoli kuli. ... Yaaba n tiendi laa bonjoagindi buoli kan tua U Tieu  
n die yaaba siiga yaaba.

## O NISAALO GBANANDI TUONBIADA 41

... Lani n tie mi conconma, ti joagindi  
leni ti cagindi, i buli ñoadima leni li tan-  
bipuali leni u ñoagubiadu lingima, ti  
yibalindi leni li koanli leni li nunponli, li  
pabienli leni yaa yantiali n teni ke o nilo  
boagindi o yuli leni o lielo, leni mi paa-  
dima bi niba siiga ... leni li pabiidili ni-  
toa bonjanla po, leni li dañogaadili, leni  
yaa badi n joagini, leni laa bonjoagindi


—Galati 5.19-21

## CEDI JESU N GBIENI A LENI O FUOMA YUA KI ÑUUDI A PALI

Yi siiga bi nitianba den tie laa nibuolu, ama U Tieu ñuudi yi ki  
ñani yi po laa joagindi, o gagidi yi o yuli po, ... kelima o Diedo  
Jesu Kilisiti po leni wani ti Tieu Fuoma yua tuonli po.

—1 Kolinta 6.11

# KU FANTANBUOGU YE MOAMOANI, LAA TIE FAJI KA



(Cogi Luka 16.19-26)

Naan bandi cain ke a dugi  
Jesu Kilisiti po. O baa dia-  
ni a yeli li miamoanli tili nni.

Ban ki den laa yua yaa  
yeli ke li diani li miamoan-  
li tili nni kuli, bi den lu-ni o  
ku fantanbuogu nni.

—Mi oagidima 20.15

# JESU BEBE N TIE YAA SANU N BAA 43 GEDINI TI U TIENU KANI

... U Tienu puni ti yaa miali n kan gbeni, laa miamoaanli ye o Bijua nii nni. —1 Jan 5.11

Kelima ti tuonbiadi panpaani tie mi kuuma, ama U Tienu n puni ti yaa paabu ke panpaani ki ye tie ke ti tuugi leni ti Diedo Jesu Kilisiti ki pia yaa miali n kan gbeni o nii nni.

—Loma 6.23

«Yua n tuo ki ɿoadi U Tienu Bijua ki dugi opo kuli pia yaa miali n kan gbeni, ama yua kaa tuo ki ɿoadi U Tienu Bijua kaa tiendi wan yedi yaala, o kan le laa miali, ama U Tienu pabienli se o yuli po.» —Jan 3.36

Jesu den yedi o: «Mini Jesu n tie u sanu, leni i moamoani, leni li miamoaanli. O baa kuli kan pundi ti Baa U Tienu kani kaa tagini yaa sanu n tie mini.» —Jan 14.6

# U TIENU DENI YE MOAMOANI



Mi Doagidima tili 21 nni, li waani ti ke Jan den laa li bonlekaala nni U Tienu n ñanbi yaa tanpopaano leni yaa tinpanga n baa yaa tie maama.

**«U Tienu... baa duuni ki ñani ti ninsiidi kuli bi nuni nni. Mi kuuma kan go yaa ye, li paboanli, leni a bubula, leni yaala n baa koani o nilo kuli moko kan go yaa ye, kelia-  
ma li bonkpiala pendi.» Yua n den kaa u balikalikaanu po den yedi: «Diidi ki le, n tendi ke li bonla kuli kpandi bonpanla....»**

—Mi Doagidima 21.4, 5

Jan go den laa yaa dogu n gagidi, Jelusalen-paano ke u ñani U Tienu kani ki jiidi tiipo. ... **U dogu uba mo maa leni yaa wula n ñani cain ki tie yengiyengi nani ki maduubiga yeni. Bi den tieni u dogu bilinciamu tanpuuli leni yaa tanbila n pia mayuli boncian-la....**

—Mi Doagidima 21.18, 19

# JESU DEN GEDI TANPOLI PO, U TIENU 45 DENI, KI BAN BOGIDI YAABA N DAANI O KULI PO U KAANU

«Yin daa go yagi mani yi yama. Yin dugi mani U Tienu po, dugi mani n yaa po moko. N baa diegu nni pia a diena boncianla. Li yaa bi tie yeni, n bi baa waani yi. N baa gedi ki ban ḷanbi yi po u kaanu. N yaa gedi ki ban ḷanbi yi po u kaanu yeni, n baa goa ki cua ki taa yi tin yegi, ke min ye naani, yi moko ba ye lankani.»

—Jan 14.1-3

## NAN WAANI LAA LAABAALO NITOABA

Jesu den yedi ba: «Gedi mani ḷanduna nni kuli ki ban yaa wangi bi niba kuli o laabaaliŋamo.»

—Maka 16.15

... O yanfuodaano ba cuani bi niba ban baa mi tindima.

—Mi Kpanjama 11.30

« ... N kan yie ḥa hali abada, n kan ḥa ḥa hali abada. »

—Ebilu 13.5



Kelima o ba puogi o maleekimba ban yaa kubi  
ḥa a sanu nni kuli. —Pisoma 91.11

« ... Oba kuli kan fidi ki fie baa ti Baa (U  
Tienu) nuu nni mo. » —Jan 10.29

« Yaa bani mani ke n baa ye leni yi yogunu  
kuli, hali ḥanduna juodima. » —Matiyu 28.20

« Ḫan daa jie ḥan baa ti le yaa fala ... ḥan  
yaa ḥoa nni leni payenli baa bi yaa baa kpa ḥa kelima n po.  
Lani n baa pa ḥa ... yaa bonyiliakaala... n tie li miamoanli. »

—Mi Doagidima 2.10

« Ḫan yini ni, n baa guani apo. »

—Jelemi 33.3

*Bi niba kuli baa fii bi tinkpiiba siiga.*

**«...U yogunu kpendi ke yaaba n kpe ki ye a kula nni kuli baa  
gbadi n nialu ki ña bi kula nni. Yaaba n den tieni yaala n ñani baa  
fii ki yaa fo, Yaaba n den tieni yaala n bia baa fii ban jia leni baa  
ti buudi ki cuo ba».**

—Jan 5.28, 29



*Yaaba n kpe ki tie Jesu yaaba baa kpa fii.*

**Lani U Tieu baa taani tinba yaaba n ye ki fo  
hali laa daali leni bani, ki yugini tikuli a tawala  
nni tin tuogi O Diedo mi fawaama nni. Lani ti  
baa yaa ye leni o Diedo hali yaa yogunu kuli.**

—1 Tesalonika 4.17

**«Yaa fangi mani yi yula ki yaa guu, ki go yaa  
jaandi ki miadi U Tieu. Yii bani li yogunu.»**

—Maka 13.33



**Diidi ki le mani, o kpendi a tawala nni,  
nunbu kuli baa le o.... —Mi Doagidima 1.7**

Naan fangi a yuli leni tuofakilisitinba leni bi tuo-fasaawalipuaba. «**Laa yogunu niloba baa yedi  
yi: Diidi ki le, U Tienu n gandi ki soani yaa  
Candaano Kilisiti ye ne, yaa ka: O ye nepo,  
yin daa daani o maama. ... Lanwani, bi ya ti  
yedi yi: O ye li fuali nni, yin daa daani ma.**»

—Matiyu 24.23, 26

### JESU BAA ÑA TANPOLI PO KI CUA A TAWALA NNI TONTONI

«**Kelima nani mi tañigima n yen ña puoli ki yendi ki poandi ki  
gedi hali nintuali maama, mini yua n ñani tanpoli ki tua nisaalo  
cuama baa tua yene .... Ñanduna nibuoli kuli...baa le ke mini  
yua n ñani tanpoli ki tua nisaalo ye ti tawadi nni ki kpendi leni u  
paaciamu leni ti kpiagiciandi.**»

—Matiyu 24.27, 30

# O YANKPAALO YANBU

(Pisoma 23)

<sup>1</sup>Li Miali Diedo tie n yankpaalo ki guu nni, n kan luo pu.  
<sup>2</sup>O tendi ke n fuo li muabunli nni, o ciandi nni mi ñinsuangima kani. <sup>3</sup>O paagidi n pali, O ciandi nni, mi tegima sani nni kelima o yeli po.

<sup>4</sup>N yaa cuoni mi kuuma ya jualoangu nni naani n biigi, Mii jie bonbiadiliba kuli kelima a ye leni nni, A gbagobidu leni a gbafanu baagidi nni. <sup>5</sup>A ñanbidi npo mi jeñanma n yibalinba nintuali, A sogini n yuli tula-le yaa kpama, N tadibuoga gbie tiatia ki landilandi.

<sup>6</sup>Moamoani, mi yemamma leni li seli baa ye leni nni n miali dana kuli nni, n baa yaa ye Li Miali Diedo diegu nni hali n miali dana banlu.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

**World Missionary Press, PO Box 120, New Paris, IN 46553-0120 USA**

Li tie paabu, lan daa kuadi

[www.wmpress.org](http://www.wmpress.org)

3-19

Read booklets online or by App  
[www.wmp-readonline.org](http://www.wmp-readonline.org)

2247 Gourma WTG

